



ШИНЖЛЭХ УХААН, ТЕХНОЛОГИЙН ИХ СУРГУУЛИЙН ЗАХИРЛЫН ТУШААЛ

2018 оны 03 сарын 16 өдөр

Дугаар 4/48

Улаанбаатар хот

“ШУТИС-ийн технологи дамжуулах журам” батлах тухай

“ШУТИС-ийн дүрэм”-ийн 2.6, 4.14.7 дахь заалт, Захирлын зөвлөлийн 2017 оны 12 дугаар сарын 18-ны өдрийн хурлын тэмдэглэлийг тус тус үндэслэн ТУШААХ нь:

1. “ШУТИС-ийн технологи дамжуулах журам”-ыг хавсралтаар баталж, 2018 оны 03 дугаар сарын 01-ны өдрөөс эхлэн мөрдсүгэй.

2. Батлагдсан журмыг мөрдөж, хэрэгжилтэнд хяналт тавьж ажиллахыг Эрдэм шинжилгээ, хамтын ажиллагаа эрхэлсэн дэд захирал /Т.Намнан/, бүрэлдэхүүн сургууль, хүрээлэн, төвүүдийн захирал, эрдэмтэн нарийн бичгийн дарга нарт үүрэг болгосугай.

ЗАХИРАЛ



Б.ОЧИРБАТ



ШУТИС-ИЙН ТЕХНОЛОГИ ДАМЖУУЛАХ ЖУРАМ

НЭГ. Нийтлэг үндэслэл

1 дүгээр зүйл. Журмын зорилго, хамрах хүрээ

- 1.1. Шинжлэх ухаан, технологийн их сургууль /цаашид ШУТИС гэх/ судалгааны их сургууль болж хөгжих, нийгэмд үйлчлэх үүргээ хэрэгжүүлэх нэг гол чиглэл бол технологи дамжуулалт юм.
- 1.2. ШУТИС-ийн технологи дамжуулах журам /цаашид “Журам” гэх/-ын зорилго нь ШУТИС-ийн эрдэм шинжилгээ, инновацийн үйл ажиллагааг хөгжүүлэх, судалгааны ажлын үр дүнд бий болсон шинэ болон сайжруулан хөгжүүлсэн мэдлэг, технологи, оюуны бүтээлийг зах зээлд нэвтрүүлэх, ашиглах үйл ажиллагаанд баримтлах зарчим, удирдлага, зохион байгуулалт, оюуны өмчийн эрхийн хамгаалалт хийлгэх, тэдгээрийг эзэмших, ашиглах, захиран зарцуулах, эдгээр үйл ажиллагаанаас олсон орлого, ашгийг хуваарилахтай холбогдсон харилцааг зохицуулахад оршино.
- 1.3. Энэхүү журам нь ШУТИС-ийн бүрэлдэхүүн болон харьяа сургууль, нэгжүүдийн дангаараа болон бусадтай хамтран хэрэгжүүлсэн бүх төсөл, хөтөлбөр, судалгааны ажилд хамаарна.

2 дугаар зүйл. Нэр томьёо

- 2.1. Энэхүү журамд хэрэглэсэн дараах нэр томьёог дор дурдсан утгаар ойлгоно:
 - 2.1.1. “Оюуны бүтээл” гэж нээлт, ноу-хау, шинэ бүтээл, бүтээгдэхүүний загвар, ашигтай загвар, барааны тэмдэг, зохиогчийн эрх ба түүнд хамаарах эрхийн бүтээл зэрэг эрхийн хамгаалалт хийлгэх боломжтой эсэхээс үл хамааран оюуны өмчийн эрхэд хамаарах бүх бүтээлийг;
 - 2.1.2. “Технологи сайжруулах” эсвэл “технологи хөгжүүлэх” гэж өөрсдийн бий болгосон эсвэл нийтэд илэрхий болсон технологийг сайжруулан хөгжүүлэхийг;
 - 2.1.3. “Судлаач” гэж ШУТИС-ийн профессор, багш, эрдэм шинжилгээний ажилтан, ажилтан, оюутан, магистр, докторантыг;
 - 2.1.4. “Зочин судлаач” гэж ШУТИС-ийн хэрэгжүүлж байгаа төсөл, хөтөлбөрт гаднын байгууллагаас гэрээний дагуу оролцож байгаа мэргэжилтнийг;
 - 2.1.5. “Суралцагч” гэж ШУТИС-ийн оюутан, магистрант, докторантыг;
 - 2.1.6. “Технологи задлах” гэж судалгаа шинжилгээний ажлын үр дүнд бий болсон оюуны бүтээлийг Оюуны өмч, технологи дамжуулах асуудал хариуцсан нэгж (ОӨТДАХН)-д анх удаа мэдээлэхийг;
 - 2.1.7. “Нууц” гэж технологи задлах үед “Оюуны бүтээлийн нууцлалын гэрээ”-гээр баримтжуулсан оюуны бүтээлийн тухай мэдээллийг;
 - 2.1.8. “Оюуны өмчийн эрх” гэж оюуны бүтээлийг ашиглах онцгой эрхийг;
 - 2.1.9. “Оюуны өмчийн эрхийн хамгаалалт хийлгэх” гэж шинэ бүтээл, ашигтай загвар, бүтээгдэхүүний загвар, барааны тэмдгийг ашиглах онцгой эрх олж авахыг;



- 2.1.10. “Эзэмшигч” гэж оюуны бүтээлийг ашиглах онцгой эрх эзэмшиж буй этгээдийг;
- 2.1.11. “ШУТИС-ийн нэгж” гэж “ШУТИС-ийн Дүрэм”-ийн 3.1, 3.2-т заасан нэгжийг;
- 2.1.12. “Суралцагчийн эрдмийн ажил” гэж бакалаврын диплом, магистрын төгсөлтийн ажил, докторын диссертацийн ажил, төсөл, судалгааны тайланг;
- 2.1.13. “Судалгааны биет хөрөнгө” гэж бодитоор түгээгдэх боломжтой судалгааны биетийг;
- 2.1.14. “ШУТИС-ийн нөөц” гэж ШУТИС-ийн дэд бүтэц, хөрөнгө, лабораторийн болон үйлдвэрлэлийн тоног төхөөрөмж багаж, хэрэгсэл, хүний нөөцийг;
- 2.1.15. “Зохион бүтээгч” гэж технологийн шинэ арга, бүтээц зохион бүтээсэн хувь хүнийг;
- 2.1.16. “Зохиогч” гэж Зохиогчийн эрх болон түүнд хамаарах эрхийн тухай хуулийн дагуу хамгаалагдах бүтээл туурвисан хувь хүнийг;
- 2.1.17. “Лицензийн гэрээ” эсвэл “Технологи дамжуулах гэрээ” гэж оюуны бүтээлийг ашиглах эрхийг олгох эсвэл олж авах гэрээг;
- 2.1.18. “Роялти орлого” (Royalty Income) гэж лицензийн гэрээний дагуу олох орлогыг;
- 2.1.19. “Шууд зардал” (out-of-pocket cost) гэж оюуны бүтээлд эрхийн хамгаалалт хийлгэх, бүртгүүлэх, хүчинтэй хугацааны төлбөр төлөх, лицензийн гэрээ байгуулах зэрэг оюуны өмчийн менежменттэй холбогдон гарах зардлыг;
- 2.1.20. “Роялти ашиг” гэж роялти орлогоос шууд зардлыг хассаны дараа үлдэх ашгийг;
- 2.1.21. “Зохиогчийн хувь” гэж роялти ашгаас зохиогчид оногдох хувийг

ХОЁР. Оюуны бүтээлийг задлах, бүртгэх, эзэмшигчийг тогтоох, эрх шилжүүлэх

3 дугаар зүйл. Оюуны бүтээлийг задлах, бүртгэх

- 3.1. Зохион бүтээгч, зохиогч нь “Оюуны бүтээлийг задлах маягт” (A2 маягт)-ыг бөглөж Оюуны өмч, технологи дамжуулах асуудал хариуцсан нэгжид хүлээлгэн өгнө.
- 3.2. Оюуны өмч, технологи дамжуулах асуудал хариуцсан нэгж нь “Оюуны бүтээлийг задлах маягт”-ыг хүлээн авмагц, хувийн дугаар олгож бүртгэнэ.

4 дүгээр зүйл. Оюуны бүтээлд урьдчилсан хайлт хийх, дүгнэлт гаргах

- 4.1. Оюуны өмч, технологи дамжуулах асуудал хариуцсан нэгж нь “Оюуны бүтээлийг задлах маягт”-ын дагуу хүлээн авсан бүтээлд ажлын 21 хоногийн дотор урьдчилсан хайлт хийж тухайн оюуны бүтээл нь шинэлэг эсэхийг тогтооно. Шаардлагатай тохиолдолд шинжээчдийн багийг зохион байгуулж ажиллуулж болно.
- 4.2. Оюуны бүтээлийг дараах шалгуурын дагуу үнэлж, хөгжүүлэх, эс хөгжүүлэх талаарх дүгнэлтийг гаргана:
 - 4.2.1. бүтээл нь техник, технологийн тэргүүлэх салбарт хамаарах эсэх;
 - 4.2.2. салбарын тулгамдсан асуудлыг шийдвэрлэсэн эсэх;



- 4.2.3. бүтээлийг цаашид хөгжүүлэх боломжтой эсэх;
- 4.2.4. олж болох ашгийн төсөөлөл;
- 4.2.5. үр ашигтай ашиглагдах хугацааны төсөөлөл;
- 4.2.6. эрхийн хамгаалалт тогтоолгох шаардлагатай эсэх;
- 4.2.7. гадаад улс, бүсийн оюуны өмчийн байгууллагад эрхийн хамгаалалт тогтоолгох шаардлагатай эсэх;
- 4.3. Оюуны өмч, технологи дамжуулах асуудал хариуцсан нэгж нь оюуны бүтээлийг хөгжүүлэх шаардлагатай гэж үзвэл тухайн оюуны бүтээлийг хөгжүүлэх санхүүжилтийн асуудлыг хариуцаж шийдвэрлүүлнэ.
- 4.4. Оюуны өмч, технологи дамжуулах асуудал хариуцсан нэгж болон нэгжээс зохион байгуулсан шинжээчдийн багийн дүгнэлтээр тухайн оюуны бүтээлийг хөгжүүлэх шаардлагагүй гэж үзвэл энэ тухай дүгнэлт гаргаж бүтээлийг эзэмших эрхийг зохион бүтээгч, зохиогчид шилжүүлнэ. Энэ тохиолдолд ШУТИС бүтээл эзэмших эрхээсээ татгалзсан тухай мэдэгдлээ албан бичгээр зохион бүтээгч, зохиогчид хүргүүлнэ.
- 4.5. Оюуны өмч, технологи дамжуулах асуудал хариуцсан нэгж нь оюуны бүтээлийн үнэлгээний шалгуур хангасан бүтээлийг цаашид хөгжүүлэх төлөвлөгөөг гаргана.

5 дугаар зүйл. Оюуны бүтээлийн эрх эзэмшигчийг тогтоох

- 5.1. Дараах тохиолдолд ШУТИС оюуны бүтээлийн эрхийг эзэмшинэ:
 - 5.1.1. ШУТИС-ийн нөөц, санхүүжилтийг ашиглан бүтээсэн бол;
 - 5.1.2. ШУТИС-иас цалин, хөлс, тэтгэлэг, буцалтгүй тусламж, грант авч хэрэгжүүлсэн судалгааны ажлын үр дүнд бүтээсэн бол;
 - 5.1.3. Албан үүргийн эсвэл гэрээгээр хүлээсэн үүргийн дагуу бүтээсэн бол;
 - 5.1.4. Иргэн, хуулийн этгээдтэй ШУТИС-ийн байгуулсан гэрээт болон захиалгат судалгааны гэрээнд өөрөөр заагаагүй бол;
- 5.2. Дараах тохиолдолд зохион бүтээгч, зохиогч оюуны бүтээлийг эзэмшинэ:
 - 5.2.1. Энэ журмын 5.1-д заасан оюуны бүтээлийг ШУТИС эзэмших эрх үүсээгүй бол;
 - 5.2.2. ШУТИС оюуны бүтээлийг эзэмших эрхээсээ татгалзсан бол;
 - 5.2.3. Зохион бүтээгч, зохиогч албан үүргийн дагуу болон гэрээгээр хүлээсэн үүргийн дагуу бүтээгээгүй бол;
 - 5.2.4. Зохион бүтээгч, зохиогч нь үндсэн ажлын цагаас бусад цагт, ШУТИС-аас өөр байгууллагад/газарт бүтээсэн бол;
 - 5.2.5. Албан болон гэрээгээр хүлээсэн үүргийн дагуу боловч бие даасан судалгаа, туршилт хийхдээ ШУТИС-ийн нөөцийг төлбөртэйгөөр ашиглан бүтээсэн бол;
- 5.3. Бусад захиалгат судалгаа ба гэрээт ажил:
 - 5.3.1. Захиалгат болон гэрээт ажлуудын дагуу бүтээгдсэн оюуны бүтээл нь тухайн ажлыг гүйцэтгэхээр хийгдсэн гэрээний дагуу эзэмшигчээ тодорхойлно;
 - 5.3.2. Гэрээнд нарийвчлан заагаагүй бол ШУТИС эзэмшигчийн эрхийг эдэлж тухайн байгууллага давуу эрхтэйгээр лиценз эзэмшиж болно;
 - 5.3.3. Захиалгат болон гэрээт ажлын гэрээ нь судалгааны ажлыг гүйцэтгэсэн бүх этгээдэд ШУТИС-иас цалинжсан эсэхээс үл хамааран адил үйлчилнэ. Иймд

ШУТИС-ийн Захирлын 2018 оны 13 дугаар сарын 16 өдрийн
148 тоот тушаалын хавсралт



тухайн судалгааны ажилд оролцсон бүх этгээд ШУТИС-ийн эрхийг зөвшөөрч 6-р бүлэгт заасан “Нууцын гэрээнд” гарын үсэг зурах үүрэгтэй.

5.4. Оюуны бүтээл эзэмшигч нь дараах үүрэг хүлээнэ:

- 5.4.1. Технологийг нийтэд түгээхэд саад учруулахгүй байх;
- 5.4.2. Гуравдагч этгээдийн эрхийг зөрчихгүй байх;
- 5.4.3. Шударга бус өрсөлдөөнийг явуулахгүй байх;
- 5.4.4. Бүтээлийн онцгой эрхийг хүчинтэй байлгах;
- 5.4.5. Технологийн нууцыг (ноу-хау) задруулахгүй байх.

ГУРАВ. Оюуны өмчийн эрхийг хамгаалах

6 дугаар зүйл. Оюуны бүтээлд эрхийн хамгаалалт хийлгэх

- 6.1. Оюуны бүтээлд урьдчилсан хайлт хийгдэж, дүгнэлт гаргасны дараа эрхийн хамгаалалт хийлгэх асуудлыг Оюуны өмч, технологи дамжуулах асуудал хариуцсан нэгж хариуцан гүйцэтгэнэ.
- 6.2. Оюуны өмч, технологи дамжуулах асуудал хариуцсан нэгж нь эрхийн хамгаалалт хийлгэхэд шаардагдах баримт бичгийг бүрдүүлж үндэсний, гадаадын болон олон улсын оюуны өмчийн байгууллагад мэдүүлэг гаргана.
- 6.3. ШУТИС нь захиалгат төсөл, судалгааны ажлын гэрээнд оюуны өмчийн эрхийг хамгаалах үүрэг хүлээсэн бол бүтээлд эрхийн хамгаалалт хийлгэнэ.
- 6.4. ШУТИС нь оюуны өмчийн эрхийн хамгаалалт хийлгэх шаардлагагүй гэж үзсэн тохиолдолд мэдүүлэг гаргахгүй байж болно.
- 6.5. Оюуны өмч, технологи дамжуулах асуудал хариуцсан нэгж нь эрхийн хамгаалалт хийлгэх ажиллагааг зогсоох, эрхийн хамгаалалтыг хүчингүй болгох, эсэргүүцэл, гомдол гаргах, тайлбар эсвэл няцаалт өгөх саналыг ШУТИС-ийн холбогдох удирдлагад танилцуулж шийдвэрлүүлнэ.
- 6.6. Оюуны өмч, технологи дамжуулах асуудал хариуцсан нэгж нь зохиогчийн эрх болон түүнд хамаарах эрхээр хамгаалагдах бүтээлийн зохиогч, эрх эзэмшигч, эрх үүссэн хугацаа зэргийг баримтжуулна.
- 6.7. ШУТИС-ийн зохиогчийн эрх болон түүнд хамаарах эрхээр хамгаалагдах бүтээлийг ашиглах аливаа үйлдэлд © тэмдэглэгээг хэрэглэнэ.

7 дугаар зүйл. Барааны тэмдгийг нотлох ба бүртгэх

- 7.1. ШУТИС, түүний бүрэлдэхүүний нэгж, гарааны компани, брэнд бүтээгдэхүүн, үйлчилгээ нь барааны тэмдэгтэй байж болно.
- 7.2. ШУТИС-ийн эзэмшлийн барааны тэмдэгт эрхийн хамгаалалт хийнэ.
- 7.3. ШУТИС-ийн эзэмшлийн барааны тэмдгийг хэрэглэх, ашиглах, захиран зарцуулахтай холбоотой асуудлыг “ШУТИС-ийн барааны тэмдэг ашиглах журам”-ын дагуу Оюуны өмч, технологи дамжуулах асуудал хариуцсан нэгж хариуцна.

8 дугаар зүйл. Судалгааны биет хөрөнгө (СБХ)

- 8.1. Судалгааны биет хөрөнгийг гэрээгээр ашиглуулах эсвэл арилжаалах хэлбэрээр зах зээлд нэвтрүүлэх тохиолдолд энэхүү журмын 4-р бүлэгт заасныг баримтална.

ШУТИС-ийн Захирлын 2018 оны 05 дугаар сарын 16 өдрийн
448 тоот тушаалын хавсралт



- 8.2. Арилжааны бус лицензтэй судалгааны биет хөрөнгийг зөвхөн сургалт, судалгааны зорилгоор, санамж бичиг, лицензийн дагуу ашиглуулах ба дараахийг дагаж мөрдөнө:
- 8.2.1. ШУТИС-ийн хүлээсэн үүрэгт харшлахгүй, тухайн судалгааны биет хөрөнгийг сайжруулан хөгжүүлэх шаардлагагүй тохиолдолд ашгийн бус зориулалтаар нээлттэй болгох, түгээх бодлого баримтална.
- 8.2.2. Судалгааны биет хөрөнгө нь шинжлэх ухааны болон арилжааны өндөр үнэ цэнэтэй байх тохиолдолд, төслийн удирдагч тус бүтээлийг шинжлэх ухааны зорилгоор ашиглахдаа үнэт чанарыг нь хадгалах, зах зээлд нэвтрүүлэх явцад зөрчил үүсгэхгүй байх талаар Оюуны өмч, технологи дамжуулах асуудал хариуцсан нэгжтэй зөвшилцөнө.
- 8.2.3. Судалгааны биет хөрөнгө, түүний бүрэлдэхүүн хэсэг тус бүр ижил төрлийн бүтээгдэхүүнээс ялгарах код, нэртэй байна.

ДӨРӨВ. Технологи дамжуулах, арилжаалах

9 дүгээр зүйл. Оюуны бүтээлийг үнэлэх

- 9.1. Мэдүүлэг гаргасан оюуны бүтээлд Оюуны өмч, технологи дамжуулах асуудал хариуцсан нэгжийн байгуулсан шинжээчийн баг үнэлгээ хийж роялти орлогын хэмжээг тогтооно.
- 9.2. Оюуны бүтээлийн үнэлгээнд үндэслэн зохион бүтээгч, зохиогч, эсвэл тэдгээрийн төлөөлөлтэй зөвшилцөн зохион бүтээгч, зохиогчид олгох шимтгэлийн хэмжээг тогтооно.
- 9.3. Оюуны бүтээлийн үнэлгээ ба шимтгэлийн хэмжээнд үндэслэн лицензлэх, технологи дамжуулах эсвэл худалдах нөхцөл, олж болох орлогын хэмжээ, хугацаанаас хамааруулан роялти орлогын хэмжээг тус тус тогтооно.
- 9.4. Роялти орлогын хэмжээг тогтооход оюуны бүтээлийн үнэлгээ, роялти орлогын хэмжээнд үндэслэн гэрээний талууд харилцан тохиролцох ба энэ ажиллагаанд зохион бүтээгч, зохиогч, эсвэл тэдгээрийн төлөөллийг оролцуулна.

10 дугаар зүйл. Оюуны бүтээлийг лицензлэх

- 10.1. Оюуны өмч, технологи дамжуулах асуудал хариуцсан нэгж нь оюуны бүтээлийг ашиглуулах эрх олгох, оюуны бүтээлийг ашиглах эрх олж авах асуудлыг хариуцан гүйцэтгэнэ.
- 10.2. Бүтээлийн үнэт чанар, олж болох ашгийн хэмжээ, ашиг өгөх хугацаа, бүтээлийн эрхийн хамгаалалтын байдлаас хамааран бүтээл ашиглуулах эрх олгохдоо гэрээний дараах төрлүүдээс сонгон хэрэглэнэ:
- 10.2.1. Онцгой лицензийн гэрээ;
- 10.2.2. Бүрэн лицензийн гэрээ;
- 10.2.3. Энгийн лицензийн гэрээ;
- 10.2.4. Харилцан лицензлэх гэрээ;
- 10.2.5. Технологи дамжуулах гэрээ.

ШУТИС-ийн Захирлын 2018 оны 05 дугаар сарын 16 өдрийн
А/42 тоот тушаалын хавсралт



- 10.3. Оюуны өмч, технологи дамжуулах асуудал хариуцсан нэгж нь оюуны бүтээлийн лицензийн эрх авагчтай лицензийн үнэ, технологи ашиглах нөхцөл, хугацаа, гэрээний эрх, борлуулалтаас авах роялти, төлбөрийн нөхцөл, шимтгэлийн хувь хэмжээ зэргийн талаар хэлэлцэн тохиролцож гэрээний төслийг боловсруулна.
- 10.4. Оюуны өмч, технологи дамжуулах асуудал хариуцсан нэгж нь лицензийн болон технологи дамжуулалтын гэрээний биелэлтэд хяналт тавина.
- 10.5. Лицензийн болон технологи дамжуулалтын гэрээг Оюуны өмчийн асуудал хариуцсан байгууллагад бүртгүүлнэ.
- 10.6. ШУТИС –ийн эзэмшлийн бус бүтээлд эрх эзэмшигч хүсэлт гаргасан тохиолдолд лиценз олгох, арилжаалах асуудлыг Оюуны өмч, технологи дамжуулах асуудал хариуцсан нэгж хариуцаж болно.

11 дүгээр зүйл. Оюуны бүтээлийг худалдах

- 11.1. Оюуны бүтээлийн үнэт чанар, олж болох ашгийн хэмжээ, ашиг өгөх хугацаанаас хамааруулан бүтээлийг худалдаж болно.
- 11.2. Оюуны бүтээлийг худалдах нөхцөл, бүтээлийн үнэлгээ хийх, роялти тогтоох, ашиг хуваарилах ажиллагаанд зохион бүтээгч, зохиогч эсвэл, тэдгээрийн төлөөллийг оролцуулна.

12 дугаар зүйл. Гарааны компани байгуулах

- 12.1. ШУТИС нь оюуны бүтээлийн үнэт чанар, олж болох ашгийн хэмжээ, ашиг өгөх хугацаа, цаг үеийн их сургуулийн цагийн үеийн бодлого зэргээс хамаарч Гарааны компани байгуулж болно
- 12.2. Гарааны компани байгуулах, үйл ажиллагаа явуулах, роялти ашиг хуваарилах зэрэг асуудлыг “ШУТИС-ийн дэргэд гарааны компани байгуулж, ажиллуулах журам”-аар зохицуулна
- 12.3. Гарааны компани нь ШУТИС-ийн эзэмшлийн бүтээлийг ашиглах тохиолдолд ШУТИС-тай лицензийн гэрээ байгуулна

13 дугаар зүйл. ШУТИС-ийн судлаач, суралцагч, зочин судлаачид лиценз олгох

- 13.1. ШУТИС-ийн судлаач, суралцагч, зочин судлаач нь өөрсдийн бүтээсэн ШУТИС-ийн эзэмшлийн оюуны бүтээлд лиценз авах хүсэлтээ Оюуны өмч, технологи дамжуулах асуудал хариуцсан нэгжид гаргана.
- 13.2. ШУТИС-ийн судлаач, суралцагч, зочин судлаачийн гаргасан хүсэлтэд Оюуны өмч, технологи дамжуулах асуудал хариуцсан нэгж нь ажлын 21 хоногт багтааж хариу өгнө. Зохих үнэлгээ хийх боломжгүй тохиолдолд Оюуны өмч, технологи дамжуулах асуудал хариуцсан нэгж нь зохион бүтээгч, зохиогчоос нэмэлт материал шаардах эрхтэй.
- 13.3. ШУТИС-тай байгуулах лицензийн гэрээнд ШУТИС-ийн судлаач, суралцагч, зочин судлаачид тэгш эрхтэй оролцоно.

ШУТИС-ийн Захирлын 2018 оны 05 дугаар сарын 16 өдрийн
4/4.8 тоот тушаалын хавсралт



- 13.4. ШУТИС-ийн судлаач, суралцагч, зочин судлаачтай лицензийн гэрээ байгуулахдаа журмын 17 дугаар зүйлд заасан "Ашиг сонирхлын зөрчлөөс сэргийлэх" зарчмыг баримтална.

ТАВ. Роялти ашиг хуваарилах

14 дүгээр зүйл. Роялти ашиг хуваарилах

- 14.1. Оюуны өмч, технологи дамжуулах асуудал хариуцсан нэгж нь лицензийн эсвэл технологи дамжуулалтын гэрээнээс эсвэл бүтээлийг худалдсанаас олсон орлогыг хагас жилээр болон жилийн эцэст тооцож лицензийн гэрээгээр тогтоогдсон хэмжээгээр хуваарилна.
- 14.2. Лицензийн болон технологи дамжуулалтын гэрээний биелэлтэд хяналт тавих, зохион бүтээгч, зохиогчид роялти орлогоос ашиг хуваарилах ажиллагаанд зохион бүтээгч, зохиогч эсвэл тэдгээрийн төлөөллийг оролцуулна.
- 14.3. Роялти ашгаас хувь авсан ШУТИС-ийн нэгж тухайн хөрөнгийг зөвхөн сургалт, судалгааг дэмжихэд зарцуулна.
- 14.4. Нөөц сан бүрдүүлэх зорилгоор үлдэгдэл роялти ашиг үүсгэж болно.
- 14.5. Зохион бүтээгч, зохиогчид олгогдох шимтгэлийн хэмжээг задлан хуваарилах асуудлаар зохион бүтээгч, зохиогч нар тохиролцон шийдвэр гаргаагүй тохиолдолд хүн бүрт ижил тэнцүү хуваарилна.
- 14.6. Хэрэв ашгийн хуваарилалтанд бүрэлдэхүүн сургууль, хүрээлэн, төв, дундын лабораториуд оролцсон бол энэ нь захиалгат судалгааны гэрээнд заасан нөхцөлтэй адил байна.
- 14.7. Ашгийн хуваарилалтанд оролцож буй сургууль, хүрээлэн, төв, дундын лабораторт ашгаас задлан хуваарилах хэмжээг харилцан тохиролцоогүй бол тэдгээрт тэнцүү хуваарилна.
- 14.8. Роялти ашгаас Оюуны өмч, технологи дамжуулах асуудал хариуцсан нэгжид гэрээгээр тогтоосон хэмжээгээр хуваарилна. Нэгжид хувиарлагдсан хөрөнгийг зарцуулах асуудлыг нэгжийн дүрмээр зохицуулна.
- 14.9. Хэрэв бүтээгч буюу зохиогч нь захиалгат судалгааны гэрээг зөрчиж ШУТИС-ийн нэр хүнд, нөөц, эд материалд хохирол учруулсан нь нотлогдвол түүнд оногдох роялти ашгаас нөхөн төлүүлнэ.

15 дугаар зүйл. Онцгой тохиолдолд роялти ашиг хуваарилах

- 15.1. ШУТИС-ийн оролцсон, хэрэгжүүлсэн төслийн үр дүнд гарсан оюуны бүтээлийн эдийн засгийн үр ашгийг мөнгөн хэмнэлээр тодорхойлох боломжгүй тохиолдолд эсвэл оюуны бүтээлийн зохион бүтээгч, зохиогчийн оролцоог хялбар тодорхойлох боломжгүй тохиолдолд ашиг хуваарилалтыг гэрээгээр зохицуулна.

16 дугаар зүйл. Ашиг сонирхлын зөрчлөөс сэргийлэх

- 16.1. ШУТИС бүтээл зэмших эрхээсээ татгалзсан нь дараах нөхцөл үүсгэхээргүй байна:

ШУТИС-ийн Захирлын 2018 оны 05 дугаар сарын 16 өдрийн
А/48 тоот тушаалын хавсралт



- 16.1.1. ШУТИС-иас сургалт, судалгаанд сөргөөр нөлөөлөх;
- 16.1.2. Нийгэмд үйлчлэх ШУТИС-ийн үүрэгт сөргөөр нөлөөлөх;
- 16.1.3. Монгол Улсын хууль тогтоомжид заасан ашиг сонирхолын зөрчил үүсэх.
- 16.2. ШУТИС бүтээл эзэмших эрхээсээ зүй бусаар татгалзсан гэж үзвэл сонирхогч этгээд энэ талаар гомдлоо шүүхэд гаргах эрхтэй.
- 16.3. Оюуны өмч, технологи дамжуулах асуудал хариуцсан нэгжийн ажилтан ашиг сонирхолын зөрчлөөс сэргийлэхийн тулд дараах зарчмыг баримтлана:
 - 16.3.1. Лицензийн гэрээ байгуулагдахаас өмнө гэрээний зүйлсийн талаарх мэдээллийг задруулахгүй байх
 - 16.3.2. Олж авсан мэдээллээ өөрийн гэр бүл, найз нөхөд, бизнесийн түнш нарт давуу байдал олгох, хөрөнгө оруулалт хийх зорилгод ашиглахгүй байх

ЗУРГАА. Нууцлалын тухай

17 дугаар зүйл. Нууцын гэрээ

- 17.1. ШУТИС-ийн аливаа төсөл, хөтөлбөрт оролцогч бүх ажилтан, судлаач, суралцагч, зочин судлаач “Оюуны бүтээл, үнэт мэдээллийн нууцын гэрээ” (А5 маягт)-нд гарын үсэг зурж нууцын гэрээ байгуулна.

ДОЛОО. Технологи дамжуулалтыг зохион байгуулах

18 дугаар зүйл. Оюуны өмч, технологи дамжуулах асуудал хариуцсан нэгж

- 18.1. Оюуны өмч, технологи дамжуулах асуудал хариуцсан нэгж нь судлаачийн ирүүлсэн “Оюуны бүтээл задлах маягт”-ын дагуу ШУТИС-ийн оюуны бүтээлийг нэгдсэн бүртгэлд бүртгэх, урьдчилсан үнэлгээ хийх, оюуны өмчийн эрхийн хамгаалалт хийлгэх, оюуны өмчийн үнэлгээ хийлгэх, судалгааны зорилгоор түгээн дэлгэрүүлэх, зах зээлд нэвтрүүлэх боломжтой технологийг сонгон авч лицензийн гэрээ байгуулах болон худалдахад дэмжлэг үзүүлэх үүрэгтэй.
- 18.2. Оюуны өмч, технологи дамжуулах асуудал хариуцсан нэгж нь ШУТИС-ийн эрдэм шинжилгээ, судалгааны ажлын үр дүнд бий болсон оюуны бүтээлийг хөгжүүлэх ажлыг нэгдсэн удирдлагаар хангах, инновацийн орчин бий болгох, эрдэм шинжилгээний ажилтан, судлаачдыг идэвхижүүлэхтэй холбогдсон үйл ажиллагааг удирдан гүйцэтгэнэ.
- 18.3. Оюуны өмч, технологи дамжуулах асуудал хариуцсан нэгжийн бүтцийн зохион байгуулалт, дүрмийг ШУТИС-ийн Захирал батална.
- 18.4. Оюуны өмч, технологи дамжуулах асуудал хариуцсан нэгж нь ШУТИС-ийн оюуны бүтээлийн бүртгэлийн болон ашиглалтын тайланг жил бүр гаргаж олон нийтэд мэдээлж байна.
- 18.5. Эрдмийн зөвлөлийн дэргэд Оюуны өмч, технологи дамжуулах асуудал хариуцсан дэд зөвлөлтэй байна. Оюуны өмч, технологи дамжуулах үйлчилгээ үзүүлдэг ШУТИС-ийн нэгж, технологийн үндсэн салбаруудын төлөөлөл багтсан байна.
- 18.6. Оюуны өмч, технологи дамжуулах асуудал хариуцсан дэд зөвлөлөөс технологи дамжуулалт, шинэ технологийн талаарх бодлого, зөвлөмж гаргуулахаар тусгай

